

Broj: 01-04-8-05038-13/2020
Datum: 8.5.2024. godine

BOSNA I HERCEGOVINA
INSTITUCIJA OMBUDSMENA ZA LJUDSKA
PRAVA BOSNE I HERCEGOVINE
n/r Ombudsmena za ljudska prava Bosne i
Hercegovine
Dubrovačka 6 71 000 Sarajevo

**PREDMET: IZVJEŠTAJ FEDERALNE UPRAVE ZA INSPEKCIJSKE POSLOVE O
POSTUPANJU I PRIMJENI ZAKONA O SLOBODI PRISTUPA INFORMACIJAMA U
FEDERACIJI BIH, dostavlja se,- .**

Poštovani,

U skladu s obavezama predviđenim čl. 20 stav 3. Zakona o slobodi pristupa informacijama u FBiH („Službene novine Federacije BiH“ broj: 32/01, 48/11) dostavljamo Vam Izvještaj o postupanju i primjeni Zakona o slobodi pristupa informacijama FBiH, sačinjen od strane službenika za informisanje Federalne uprave za inspeksijske poslove.

Izvještaj je sačinjen za period januar-mart 2024. godine, te isti uključuje podatke o broju zaprimljenih zahtjeva, vrsti traženih informacija, utvrđene izuzetke, odluke u prvostepenom odlučivanju i konačna rješenja, zajedno sa statističkom analizom, tendencijama i pokazateljima iz analitičkih parametara.

S poštovanjem!

U prilogu: *Izvještaj Federalne uprave za inspeksijske poslove o postupanju i primjeni Zakona o slobodi pristupa informacijama u Federaciji BiH za period JANUAR-MART 2024. godine.*

Dostavljeno:

1 x Naslovu
1 x Arhiva



DIREKTOR

Mr. Anis Ajdinović

Akt sačinila:

Merima Tanović, dr.sci
Pomoćnik direktora u Kabinetu direktora

10-05-2024

IZVJEŠTAJ FEDERALNE UPRAVE ZA INSPEKCIJSKE POSLOVE O POSTUPANJU I PRIMJENI ZAKONA O SLOBODI PRISTUPA INFORMACIJAMA U FEDERACIJI BIH ZA PERIOD JANUAR-MART 2024. GODINE

a) PRAVNI OKVIR I PRETPOSTAVKE ZA PRIMJENU ZAKONA- OPĆE NAPOMENE

Federalna uprava za inspekcijske poslove je po pitanju pretpostavki za poštivanje prava na pristup informacijama javnog organa 2008. godine uspostavila inicijalni interni okvir proceduralnog ostvarivanja ovog demokratskog prava u smislu opredjeljenja za otvorenost i transparentnost djelovanja Uprave, te je nakon usvajanja izmjena i dopuna Zakona o slobodi pristupa informacijama iz 2011. godine, tokom 2018. godine uspostavljen i Indeks registar informacija u posjedu Federalne uprave za inspekcijske poslove¹ uz Vodič za pristup informacijama Federalne uprave za inspekcijske poslove² koji je sadržavao obrazac za pristup informacijama, dostupan u elektronskoj formi na službenoj web stranici Uprave. Usvajajući preporuke Institucije ombudsmena u BiH, kao i dobre uporedne i domaće prakse za unapređenje principa javnosti i transparentnosti, u junu 2023. godine donesen je novi Vodič za pristup informacijama Federalne uprave za inspekcijske poslove³, a sa integriranim Indeks registrom i pratećim obrascem za pristup informacijama, kojim se derogira formalizam u pristupu i osiguranju informacija kojim raspolaže ovaj javni organ, konkretizacijom okvira dostupnosti uz inkorporiranje odredbi upravnog postupanja kod elektronske komunikacije i dostavljanja.

Po pitanju poslova službenika za informisanje, od samog ustanovljanja dugotrajne prakse dosljednog poštivanja ovog propisa, riječ je poslovima koji su po ovlaštenju obavljali šef unutrašnje organizacijske jedinice ili pomoćnik rukovodica iz Sektora za pravne i opće poslove odnosno trenutno Kabineta direktora.

Tabela 1. TABELARNI PREGLED BROJA ZAHTJEVA ZA PRISTUP INFORMACIJAMA JANUAR – MART 2024. GODINE

ZAHTJEVI ZA PRISTUP INFORMACIJAMA UPUĆENI FEDERALNOJ UPRAVI ZA INSPEKCIJSKE POSLOVE ZA PERIOD JANUAR-MART 2024.	
Januar 2024.	9
Februar 2024.	13
Mart 2024.	7
UKUPNO	29

Svi zaprimljeni zahtjevi su riješeni u okviru roka predviđenog zakonom.

¹ Akt broj: 01-02-1-0171-1/2018 od 12.3.2018. godine

² Akt broj: 01-02-1-0171/2018 od 12.3.2018. godine

³ Akt broj: 01-02-1-03192/2023 od 13.6.2023. godine

Strukturalna analiza zahtjeva za pristup informacijama podnesenih Federalnoj upravi za inspekcijske poslove u periodu januar-mart 2024. godine


Posmatrano na osnovi posljednjeg tromjesečja, službenik za informisanje Federalne uprave za inspekcijske poslove (pomoćnik direktora u Kabinetu direktora) je u januaru 2024. godine zaprimio devet (9) zahtjeva za pristup informacijama, u februaru 2024. 13 zahtjeva, te sedam (7) zahtjeva u martu mjesecu 2024. godine. Dakle, u prvom tromjesečju 2024. godine zaprimljeno je ukupno 29 zahtjeva od strane građana, udruženja, punomoćnika subjekata nadzora, te drugih domaćih i stranih pravnih lica.

Ukupno posmatrano, bilježi se blago povećan broj zahtjeva u odnosu na broj zahtjeva u prvom tromjesečju prethodne godine (cca. 5%), dok je trend rasta u odnosu na 2019. godinu, veći i za 35-30%.

Strukturalno, u prvom tromjesečju dominira broj zahtjeva za pristup informacijama koji su upućeni od strane predstavnika civilnog društva/NGO (cca. 70%- udruženja/fondacija za zaštitu okoliša; drugih pravnih lica, ali i fizičkih lica u svojstvu predstavnika grupe koja se bavi određenim istraživanjem ili institucija za istraživačko novinarstvo, itd.), drugih pravnih lica/upravnih/strukovnih organizacija (cca. 10%- sindikati, komore, centri, jedinica lokalne samouprave) cca. 10% zahtjeva upućeno od strane neposredno zainteresiranih fizičkih lica i cca. 10% advokata/advokatskih kancelarija u svojstvu punomoćnika pravnih lica-subjekata nadzora. Po pitanju sadržaja zahtjeva za pristup informacijama, skoro podjednako je zastupljen broj zahtjeva koji se odnosi na detaljne informacije u vezi konkretiziranih predmeta i subjekata inspekcijskog nadzora odnosno informacije iz domena odgovornosti i realizacije obaveza/evidencija drugih organizacionih jedinica Uprave (cca. 50%), sa brojem zahtjeva (cca. 50%) traži kopija akata iz spisa predmeta inspekcijskog nadzora ili drugog postupka iz nadležnosti Uprave (zapisnik o izvršenom inspekcijskom nadzoru, rješenje postupajućeg inspektora i drugi akti- analitički izvještaji, rezultati uzorkovanja, itd).

S aspekta organizacijskih jedinica ove Uprave, predmetni zahtjevi u prvom tromjesečju uglavnom su upućeni za dostavljanje informacija iz nadležnosti Federalnog urbanističko-ekološkog inspektorata (60%), Federalnog veterinarskog i tržišnog inspektorata (20%), Federalnog rudarsko, termo i elektro-energetskog inspektorata, Federalnog inspektorata rada i obaveza iz nadležnosti/evidencija ostalih organizacionih jedinica Uprave (15%), te Federalnog zdravstvenog inspektorata, Federalnog vodnog i Federalnog poljoprivrednog inspektorata (cca. 5%). U ovom izvještajnom periodu nisu bilo prigovora od strane podnosilaca zahtjeva.

Izvještaj sačinio/la:


Službenik za informisanje
Dr. sci Merima Tanović

